


# Cumün da Zernez



**Disposiziuns d'execuziun  
da la ledscha d'energia**

080.200

As basond sün l'art. 3 da la ledscha cumünala d'energia relascha la suprastanza cumünala las seguintas disposiziuns d'execuziun.

#### **Art. 1 Intent**

Quistas disposiziuns d'execuziun fixan las masüras e'l proceder, chi sun necessaris per raggiundscher il böt da la ledscha d'energia cumünala.

#### **Art. 2 Import da la contribuziun sül transport da la forz'electricica**

<sup>1</sup> L'otezza da la contribuziun sül transport da la forz'electricica chi vegn inchaschada annualmaing per implir il fondo da proget vegn fixà da la suprastanza cumünala a basa la l'art. 4, al. 1 da la ledscha cumünala d'energia (080.100).

<sup>2</sup> L'otezza da la contribuziun annuala tenor alinea 1 da quist artichel vegn publichà in l'ordinaziun da taxas e d'impostas cumünala.

#### **Art. 3 Inchaschamaint da la contribuziun**

L'inchaschamaint da la contribuziun sül transport da la forz'electricica succeda actualmaing a Zernez e Brail tras l'EW Zernez ed a Susch e Lavin tras l'EE-Energia Engiadina i'l rom da lur facturaziun a partir dals 1. october 2023. L'incumbenza da facturaziun po eir gnir surdatta a terzs. L'import es da muossar sü separadamaing.

#### **Art. 4 Proceder da contribuziun**

<sup>1</sup> La dumonda da contribuziun es dad inoltrar a l'administraziun da fabrica cumünala in regla insembel cun la dumonda da fabrica per il proget correspondent.

<sup>2</sup> La decisiun sur dal dret da contribuziun e l'otezza da la contribuziun vain tratta e comunicada fin il plü tard a listess temp cul permiss da fabrica. L'uorden po esser collià cun cundiziuns ed obligs, chi ston gnir accumulits e sun la premissa per pajar oura la contribuziun.

<sup>3</sup> Sco data da püt per trattar la dumonda da contribuziun vala la data d'entrada da la dumonda cumpletta (buol postal, data e-mail) pro'l cumün.

#### **Art. 5 Documainta da dumonda**

<sup>1</sup> La dumonda per üna contribuziun sto cuntgnair almain seguinta documainta e seguintas indicaziuns:

- Dumonda da fabrica o formular d'annunzcha;
- Formular cumünal da dumonda d'energia;
- Copcha dal formular chantunal da dumonda d'energia.

<sup>2</sup> In cas chi fa dabsögn po il cumün pretender ulteriuras inoltraziuns dad actas e d'infuormaziuns.

#### **Art. 6 Cumpetenzza**

<sup>1</sup> Sur dal pajamaint da las contribuziuns cumünalas decida l'istanza da fabrica cun delegar las decisiuns chi's basan süls princips da l'uorden da cumpetenzas da finanzas cumünal, sco segua:

- a) Decisiuns da contribuziuns fin l'import da 5'000 chf tiran il president cumünal, insembel cul manader da finanzas e d'impostas e cun l'administradur da fabrica, cun unanimità da vuschs. I'l cas cha la decisiun nu vain tratta cun unanimità da vuschs, vain rinviada la decisiun al prossem gremi superiur.

b) Decisiuns da contribuziuns tanter l'import da 5'001 e l'import da 10'000 chf tira la direcziun operativa, cun unanimità da vuschs. l' cas cha la decisiun nu vain tratta cun unanimità da vuschs, vain rinviada la decisiun al prossem gremi superiur.

c) Decisiuns da contribuziuns a partir da l'import da 10'001 chf tira la suprastanza cumünala, cun majorità da vuschs.

<sup>2</sup> Las contribuziuns vegnan fixadas tenor bsögn ed in möd equilibrà tanter entradas e promoziuns (sortidas), uschè cha la somma totala da las contribuziuns annualas nu dessan scha pussibel surpassar ils mezs chi stan a disposiziun annualmaing aint il fondo ZE2020.

#### **Art. 6a      Calculaziuns e cundiziuns**

<sup>1</sup> Las calculaziuns dals imports da contribuziuns per progets güstifichats per retrar contribuziuns cumünalas our dal fondo da proget **ZERNEZ ENERGIA 2020** as drizzan da princip vi dals imports confermats da promoziun dal chantun.

<sup>2</sup> I nu vegn redublà da princip l'import da contribuziun dal chantun.

<sup>3</sup> I nu vegnan contribuidas da princip contribuziuns cumünalas per la part da la contribuziun chantunala cul nom **Green Deal** e/o otras contribuziuns chantunalas chi surpassan la contribuziun da basa dal chantun.

<sup>4</sup> I vala seguainta scala da graduaziun da facturs per la calculaziun dals imports da contribuziuns cumünalas a basa da l'import da cuosts da proget recugnuschüts seguond dumonda al chantun.

<i>Cuosts da proget</i>		<i>Factor</i>
fin 25'000 chf	prüms 25'000 chf	<b>100%</b>
da 25'001 - 50'000 chf	seguonds 25'000 chf	<b>50%</b>
da 50'001 - 75'000 chf	terzs 25'000 chf	<b>20%</b>
da 75'001 - 100'000 chf	quarts 25'000 chf	<b>10%</b>
a partir da 100'001 chf	ulteriurs imports in chf	<b>0%</b>

#### **Art. 6b      Priorisaziun attach al provedimaint central da chalur Zernez**

<sup>1</sup> Per dumondas da contribuziun chi pertoccan attachs vi dal provedimaint central da chalur illa fracziun da Zernez vegn determinada üna regla da priorisaziun.

<sup>2</sup> Cun prüma priorità vala la legislaziun cumünala dal provedimaint central da chalur chi prevezza in tscherts cas definits üna reducziun da las taxas d'attach.

<sup>3</sup> Cun seguonda priorità vala la legislaziun cumünala d'energia respectivamaing quistas disposiziuns d'execuziun.

<sup>4</sup> Üna cumulaziun d'üna eventuala reducziun da las taxas d'attach tenor al. 2 e d'üna eventuala contribuziun cumünala dal fondo da proget **ZERNEZ ENERGIA 2020** es esclusa.

#### **Art. 7      Pajamaint**

Il pajamaint da la contribuziun garantida segua davo la finischun dals lavurs basond sül protocol d'acceptaziun e sül rendaquint da la fabrica.

#### **Art. 8      Scadenza e renunzcha**

Lavurs ston gnir finits infra il termin fixà chi correspuonda a la validità dal permiss da fabrica daspö l'impromischiun da la contribuziun, inschinà scada l'import garanti. Desista il proponent sülla realisaziun dal proget o müda il proget, lura sto'l quai annunzchar immediat a l'administraziun da fabrica cumünala.

**Art. 9      Entrada in vigur**

Las disposiziuns d'execuziun aintran in vigur culla decisiun da la suprastanza cumünala dals 13 november 2023 retroactiv süls 1. october 2023.

Ellas rimplazzan tuot las disposiziuns actualas da fin qua.

Zernez, 13 november 2023

**Cumün da Zernez**

In nom da la suprastanza cumünala

Il president cumünal:

*Domenic Toutsch*

Domenic Toutsch



Il chanzlist:

*Corsin Scandella*

Corsin Scandella